

# Injil untuak anak-anak hadiah



Padusi di  
Sebuah  
Sumua



Ditulih oleh: Edward Hughes

Diilustrasikan oleh: Lazarus  
Alastair Paterson

Diadaptasi oleh: Ruth Klassen

Diterjemahkan oleh: Yulia Anggraini


Diproduksi oleh: Bible for Children  
[www.M1914.org](http://www.M1914.org)

©2023 Bible for Children, Inc.


Lisensi: awak punyo hak manyalin atau mancetak carito iko,  
salamo awak indak manjual nyo.




Yesus dan murid-muridNyo maadoan perjalanan melewati tanah Samaria. Mereka sampai di sebuah kota yang banamo Sikhar.



Disitu ado sebuah sumua, dima urang-urang Sikhar maambiak aia minum. Yakub, Bapa urang Israel, manggali sumua itu batahun-tahun yang lalu.



Di Tengah hari biasonyo cuaca sangaik angek.  
Kapanekan. Yesus duduak di dakek sumua  
samantaro murik-murikNyo pai ka Sikhar untuak  
mambali makanan.





Yesus surang  
sajo, Tapi indak  
terlalu lamo.  
Surang padusi  
yang tingga  
di Sikhar  
tibo untuak  
manimbo aia.

"Agiah Aku  
minum," Yesus  
bakato kapado  
padusi itu.






Padusi itu sangaiik heran, "Mano mungkin Engkau, surang Yahudi maminta minum kepadaku. Surang padusi Samaria?" Inyo batanyo. Pado saat itu, urang-urang Yahudi indak basangkutan jo urang-urang Samaria.



Mungkin inyo maraso  
labiah heran lai katiko  
Yesus bakato, "Kalau  
kau tau siapa Aku, kau  
akan maminta  
daripadoKu aia  
kehidupan."





Padusi itu bakato  
kapado Yesus, "Tuan,  
Engkau indak punyo apo-apo  
untuak manimbo, dan sumua iko  
dalam. Dima Engkau ka mandapekan aia  
kehidupan? Apokah Engkau labiah gadang  
dari Bapa kami, Yakub, yang maagiahan  
sumua ko ka kami...?"




"Barang siapa yang minum aia iko, inyo akan  
auih baliak," Yesus bakato kapado padusi itu, "Tapi  
barangsiapa minum aia yang akan  
kubarian kapadonyo, inyo indak  
akan auih untuak salamo-  
lamonyo. Aia yang akan  
kuagiahan ka inyo... akan  
manjadi mato aia didalam  
dirinyo yang akan taruih  
manaruih mamanca sampai  
kapado iduik yang  
kekal," "Tuhan agiahan  
aia tu untuakku..."  
padusi itu bakato.




Yesus maminta kapado padusi itu untuak pai dan maimbau suaminyo. "Aku indak punyo suami," padusi itu manjawek. "Kau alah mampunyo i limo suami," jawek Yesus. "Dan yang kini ado basamomu bukan suamimu."



Padusi itu mangenali kalau Yesus adolah surang nabi. Inyo mancubo batanyo kapadoNyo untuak badebaik perihal dima mereka mamuji Tuhan. Yerusalem atau gunung kudus Samaria. Tapi Yesus manjawek kalau panyambah-panyambah benar akan manyambah Bapa dalam roh dan kebenaran.



"Aku tau kalau Mesias akan tibo." Padusi itu bakato kapado Yesus. "Saat inyo datang, Inyo akan mambaritoan sagalo sesuatu kapado kami," "Akulah Dia yang sedang bakato-kato dengan engkau," Yesus bakato kapadonyo. Pado waktu itu datanglah murik-murikNyo. Padusi itu maninggaan tampayannyo disitu lalu pai ka kota.






"Mari, caliak! Disitu ado surang yang mangatoan kapadoku sagalo hal yang alah kupabuek." Padusi itu bakato kapado urang-urang di Sikhar.

"Mungkinkah Inyo Kristus itu?" urang-urang maninggaan kota dan mancaliak Yesus.




Samantaro itu, murik-murikNyo mangajak baliau untuak makan. Tapi Yesus bakato, "Makananku adolah melakukan kainginan Dia yang mautuih Aku dan manyalasaan pekerjaanNyo," Pekerjaannyo adolah untuak mambawo urang-urang kapado Tuhan.





Banyak urang  
Samaria picayo  
kapado baliau  
sabab kecek  
padusi itu.  
Urang-urang itu  
maminta Yesus  
untuak tinggal  
basamo mereka,  
dan baliau  
tingga basamo  
urang-urang itu  
salamo duo hari.





Labiah banyak  
lai urang  
yang picayo  
sabab kecek  
Yesus sendiri.  
Urang-urang itu  
bakato, "Kami  
sendiri alah  
mandanga Baliau  
dan kami tau,  
kalau Baliaulah  
sabananyo Juru  
Salamaik dunia."



Padusi di Sebuah Sumua

Sabuah carito dari firman tuhan, Injil

Didapekan di

Yohanes 4

"Jalan masuak firman-firmanNyo mambarikan  
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso iolah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko iolah sabuah kebenaran, kecekan iko kapado Tuhan: Ya Yesus, Ambo picayo bahwo Engkau iolah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalom iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

